



Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 14. Britannæ consensus in matrimonium cum Galliarum Rege.

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

Sæcul. XV.

A.C. 1491.

Aurelianensi Duce & Montalbano Cancellario, qui plurimum apud eam gratia valebat; hi enim tantum ab illa impetrarunt, ut primo allegatum, ne datam fidem violaret, timerem Gallicæ Regiæ honori postponere haud dubitaret, nec tamen, absque prævio Senatus sui placito, ullatenus disertis verbis nuptias polliceri voluit.

§. XIV.

*Britannæ consensus in matrimonium
cum Galliarum Rege.*

Postmodum Carolus rebus suis provide intentus exercitum suum sub Duce Trimollio proprius Rhedonensi urbi admovit, aliud vero agmen, cui Sanandreas præerat, unico duntaxat lapide ab eadem civitate castra ponere jussit. Igitur Britanniæ Ducissa, cum hinc armis cincta, illinc durissimæ obsidionis metu perculsa, nec copias ad resistendum haberet, & de fide subditorum, utpote hisce nuptiis faventium, dubitaret, ac insuper eos ipsos, quos sibi fideliores credebat, connubii suasores experiretur, imo per ipsum Aureliæ Ducem, omnem ditionum suarum salutem ex hoc solo nuptiali pacto pendere intelligeret, necnon omnes Ducissæ Senatores Dunensis Comitis & Rivenarum Marescalli argumen-

tis

Sac. XV.A.C. 1491.

tis devicti in Galliarum Regis sententiam
propenderent, tandem & ipsa cunctis
hisce rationibus expugnata, Carolo VIII.
nubere decrevit.

§. XV.

Nuptialia pacta.

Demum post longam hujus Provinciæ
Ordinum deliberationem altro citro-
que habitam, nuptiarum pacta die sexta
Decembris (*) in castro de Langesii in
Turonia conficiebantur, quæ nisi prius
rata fuissent habita, nunquam Britones
has nuptias contrahi permisissent; hinc
reipsa octo saltem, ni fallimur, diebus
antequam connubium celebraretur, ere-
cti sunt nuptiales articuli, quorum præ-
cipui erant. I. Si Anna Britannæ Du-
cissa ante Regem decederet absque libe-
ris, Britannia nihilominus in potestate
Regis permaneret, tanquam pars regno
dotali jure unita. II. Si vero Rex prior
moreretur itidem absque liberis, Annæ

*Com. tom. 5. omne jus in Britannæ Ducatum salvum
edit. 1723. p. reliqueretur, ea tamen lege, ut ipsa
454. & 463. non posset alteri nubere, quam futuro
regni Successori, aut Hæredi proximo,*

(*) P. Daniel assignat decimam tertiam.
Mexerajus vero decimam sextam Decembris
diem.